

續資治通鑑長編卷二百十七

宋 李燾 撰

神宗

熙寧三年十一月戊子朔詔河北飢民流徙京西令安撫轉運使提點刑獄司責州縣官多方賑救存撫察苛擾昏耄弛慢不職者以聞

己丑詔濱州劉蒙處州管師常閬州雍之寄買蘊嘉州李達衢州周穎齊州胡鄆並賜進士出身太原府李杭田籍張田忠州譚立之眉州孫潛劔州陳舜岳大名府尙景純漢陽軍寶恂並同進士出身眉州任通夫邢州國採荆南伊瑑普州雍林宗臨江軍程禮廣濟軍周敘並授試校書郎先是南郊赦書訪求節行才識學術之

不言茲曰罔以此事上予何賴焉自今所舉非其人者其令御史臺彈奏當寘於法見任監司以上毋得薦論

會要云嘉祐六年正月御史臺乞申明此詔詔本臺每于歲首舉行

庚戌上謂輔臣曰如聞諸州軍嘗於夏秋之際先奏時雨霑足田稼登茂後或災傷遂不敢奏致使民稅不得蠲除甚非長吏愛民之意宜申飭之

辛亥作鎮國神寶命宰臣龐籍篆文參知政事劉沆書碑先是上謂籍等曰奉宸庫有良玉廣尺而厚半之蓋希代之珍也不欲以爲物玩且天子八璽其一曰神寶遂令參知政事梁邊撰寶名而刻之寶成以進召近臣宗室觀於延和殿太常禮院因言唐六典次序曰一神寶一受命寶冬至祀南郊大駕儀仗請以鎮國神寶先

受命寶爲前道遂著爲式及籍罷相改命陳執中篆文

籍罷相改命陳執中篆文乃閏七月事今附此

癸丑詔羣臣毋得因郊祀請加尊號

宋會要五年七月十六日詔以民力

尚困農望屢愆間有水旱之災加以螟螣之害方圖大報以仁善祥無假虛稱以重不德

斬州判

官李虛一上漑漕新書四十卷其間頗言修六塔之便

詔送河渠司備檢閱虛一特遷一資

戊午詔太常比定諸臣諡止據行狀而多文過溢功殊

失懲勸之典自今並須直述事實毋得虛美 兵部員

外郎王田爲京東轉運使御史俞希孟言田昏耆不勝

任尋罷之

己未幸後苑召近臣館閣臺諫省府推判官觀瑞蓮

庚申莊宅副使趙滋兼閣門通事舍人權并代鈐轄慶

厯初滋以右侍禁爲涇原儀渭鎮戎軍都巡檢嘗諭降
德勝寨叛兵賞弗及范仲淹韓琦經略陝西薦之乃得
閣門祗候時京西軍賊張海久未伏誅命滋都大提舉
陝西京西路捉賊數月賊平後爲京東東路都巡檢富
弼爲安撫使舉再任登州乳山寨兵叛殺巡檢州將誅
首惡數人不窮按滋承檄驗治馳入其壘次第推問得
黨與百餘人付獄眾莫敢動在京東五年數獲盜不自
言弼爲言乃白東頭供奉官超授供備庫副使定州路
駐泊都監嘗因給軍食同列言粟不善滋叱之曰爾欲
以是怒眾耶使眾有一言當先斬爾以徇韓琦聞而壯
之以爲眞將帥材滋有是命從琦所請也
甲子詔國子監如聞監生或以補牒質鬻於人使流寓

無行之士冒試於有司其加察之

乙丑詔臣僚行狀本家自撰及爲人撰者並須撫實不得虛美如檢勘失實者坐其罪從侍御史吳祕之請也

此據編錄條貫冊增修

閏七月戊辰朔置邕州城外沙頭和市場詔內侍省

自今內侍供奉官至黃門以一百八十人爲額

吳及疏或可自

至和元年末移此更考詳之

又詔廣南經蠻寇所踐而民逃未復

者限一年復業仍免兩科催科及蠲其差役三年從體

量安撫周沆所奏也先是民避賊多棄田里遠去吏以

常法滿半歲不還者聽他人占佃沆曰是豈可與凶年

逃租役者同科乃奏延期一年已占佃者仍奪還之貧

者官貸以種糧初帝以廣南地惡詔沆非賊所踐州縣

新黃河通金縣志卷一百一十五
不必往沆曰遠民新罹荼毒不可不究宣天子之澤遂
遍行州縣

辛未徙知青州文彥博知秦州知秦州張昇知青州時
方城古渭州昇議不合故也御史中丞孫抃言朝廷昨
日築城境外眾蕃之心已皆不安今又特命舊相臨邊
事異常例是必轉增疑慮或生他變況聞知永興軍晏
殊秩將滿朝廷必藉彥博才望不若遣鎮關中兼制秦
鳳事宜庶蕃部不至驚擾在於國體實爲至便張昇前
蓋坐不欲城古渭耳本傳云劉渙誣奏郭恩多殺老稚
遂徙昇青州按昇徙青州乃閏月初四日後十三日渙
與恩俱上破賊功八月十三日復秦州當閏月初四日
渙安得預奏恩多殺老稚也此傳必誤蓋昇帥秦州半
年間凡一次徙一次罷本傳并兩事爲一事故不合今
改正之昇罷在十二月庚子實錄又不載因張方平始
見之
詔廣南西路戍兵及二年而未得代者並罷歸其

鈴轄司所遣士兵歲一代之自儂智高亂駐泊禁軍及桂州等處雄略忠敢澄海軍凡二萬四千四百四十一人分成諸州至是皆罷還禁軍但戍以士兵

壬申戶部侍郎平章事龐籍以本官知鄆州

按宋史宰相表以京

東西路安撫使出知鄆州

初齊州學究皇甫淵獲賊法當得賞錢淵

上書願易一官道士趙清貺者籍甥也給爲淵白籍而

與堂吏其受淵賂淵數詣待漏院自言籍乃勒淵歸齊

州有小吏告清貺等受賂事籍卽捕送開封府清貺及

堂吏皆坐贓刺配嶺外行至許州死諫官韓絳言籍陰

諷府杖殺清貺以滅口又言事當付樞密院不當中書

自行故罷之然謂籍陰諷開封覆之無實 集慶節度

使同平章事判大名府陳執中爲吏部尙書平章事昭

文館大學士監修國史給事中參知政事梁適爲禮

部侍郎平章事集賢殿大學士

癸酉徙判許州賈昌朝判大名府

甲戌贈祕書監致仕胡旦爲工部侍郎仍賜其家錢三

十萬令襄州爲營葬事衛尉少卿知州馬尋言旦家貧

久不克葬故卹及之尋項城人以明習法律稱其在襄

州會歲饑或羣入富家掠困粟獄吏鞫以強盜尋曰此

迫於饑爾其情與強盜異奏得減死論遂著爲例

尋事附見

或自有月日

乙亥詔諸路知州軍武臣並須與僚屬參議公事毋得

專決仍令安撫轉運提點刑獄司常檢察之

丙子祠部員外郎集賢校理李中師爲淮南轉運使中

師入辭上謂曰比聞諸路轉運使多獻羨餘以希進然

遇災傷不免暴取於民此朕所不取也其戒之

上語乃壬午日

書并出內藏庫緡錢十萬綢絹二十萬縣十萬下河

北助糴軍儲

至和元年八月可考

丁丑詔司農寺廣南西路常平倉錢穀被賊焚劫者並

除之

戊寅賜延州修城役卒緡錢

庚辰秦鳳路經略安撫司言古渭寨雅爾峽綱威嶺諸

蕃部數出擾邊道阻不通尋令部署劉渙爲中軍鈐轄

劉溫潤都監郭恩爲先鋒知鎮戎軍郭達爲策先鋒都

監吳賁崔懿爲殿後走馬承受周世昌隨中軍捕討之

渙得首二百四級溫潤得五百六十五級恩得九百二

十五級達得四百五十九級賁得二十八級世昌得二十七級辛巳渙自澤州團練使遷防禦使溫潤自禮賓使領英州刺史恩自內殿承制閣門祇候爲崇儀副使達自內殿承制閣門祇候爲禮賓副使賁自內殿承制爲供備庫副使懿自西頭供奉官閣門祇候爲東頭供奉官世昌自西頭供奉官爲東頭供奉官其有功軍校係轉員軍分遷一級仍升一等非轉員軍分遷一級

郭恩

獨不遷官疑實錄偶脫據恩本傳恩自內殿承制閣門祇候爲崇儀副使今追填之

詔開封府

災傷縣分其令佐體量減稅更不差官覆視仍減今年體量和買草三分之一

戊子詔禮部貢院自今諸科舉人終場問大義十道每道舉科首一兩句爲問能以本經注疏對而加以文辭

潤色發明之者爲上或不指明義理而但引注疏備者
次之並爲通若引注疏及六分者爲麤其不識本義或
連引他經而文意乖戾章句斷絕者爲下並以四通爲
合格九經止問大義不須注疏全備其九經場數並各
減二場仍不問兼經 又詔開封府國子監進士自今
每一百人解十五人其試官親嫌令府監互相送若兩
處俱有親嫌卽送別頭

已丑詔古渭寨修城卒權給保捷請受仍以蕃官左班
殿直訥芝臨占爲本地分巡檢月俸錢五千候一年能
彈壓蕃部卽與除順州刺史臨占世居古渭州密邇夏
境夏人牧牛羊於境上臨占掠取之夏人怒欲攻之臨
占懼力不敵因獻其地冀得戍兵以敵夏人范祥欲立

奇功亟往城之臨占先世跨有九谷後寢衰僅保三谷
餘悉爲他族所據青唐族最強據其鹽井曰獲利可市
馬八百匹臨占白祥此本我地亦乞漢家取之祥又多
奪諸族地以招弓箭手故青唐及諸族皆怒舉兵叛祥
旣坐責絀張昇請棄古渭勿城夏人復來言古渭州本
我地今朝廷置州於彼違誓詔遣傳示制置糧草專度
其利害永言今棄弗城夏人必據其地更爲秦州患且
已得而棄之非所以強國威按臨占父祖皆受漢官其
地非夏人所有明甚但當更名古渭寨不爲州以應誓
詔爾卽召青唐等族酋諭以朝廷今築城實爲汝諸族
守衛而汝叛何也皆言官奪我鹽井及地我無以爲生
永曰今不取汝鹽井及地則如何眾皆喜聽命遂罷兵

承乃割其地四分之三以畀青唐等族卒城古渭始加

臨占以爵秩

此段實錄正史極不詳今悉用司馬光所記稍刪潤之

辛卯以尙書禮部侍郎集賢院學士判西京畱司御史

臺吳育知陝州

壬辰降翰林侍讀學士刑部郎中呂公綽爲龍圖閣學

士知徐州御史臺吳祕知濠州提點淮南路刑獄度支

員外郎集賢校理孫錫知太平州度支員外郎王礪知

信州初諫官御史言公綽前知開封府受龐籍旨決趙

清貺杖近脊下故清貺不至配所死公綽遂得罪而錫

坐前爲推官礪爲判官祕亦獨不彈奏故皆責及之旣

而公綽上章自辨乃詔知開封府楊察按其事具言杖

清貺實在判官廳非公綽所臨然其命已行但令劄示

公綽而已

癸巳詔嘗任二府出知州者毋得奏辟通判止許增辟
幕職官一員從御史中丞孫抃所請也若前知州歲舉
人數已足聽歲中別舉之知州歲舉人數未見當考
八月丁酉朔詔災傷之民訴於轉運司而不受聽逐州
軍繳其狀以聞

壬寅追封皇后乳母榮國夫人周氏爲魯國夫人

兵部員外郎天章閣待制兼侍講趙師民累請補郡癸
卯除龍圖閣直學士知耀州師民嘗講論語帝問修文
德對曰文者經天緯地之總稱人君之道撫之以仁制
之以義接之以禮講之以信皆是也帝曰然其所先者
無若信也曰信者天下之大本仁義禮智皆必由之此

實王道之要復問鑽燧改火曰古之聖王舉動必順天
時變火隨本性近世漸務苟簡以爲非治具而遂廢之
至於萬事皆不如古又問子夏子張所言交道孰勝曰
聖哲之道含覆廣大與天地參善者有以進德惡者俾
之改行子張之言爲優他日讀漢紀問長安城眾莫能
知其推師民因陳自古都雍年世舊址所在若畫諸掌
帝曰何直所記如此在經筵十餘年甚見器異盛夏屬
疾家居帝飛白書團扇爲和平字賜以寄意將行帝自
寫詩送之曰以儒林舊德師民性極慈恕州民有以鹽
鐵抵禁者一切不問嘗太息謂其子彥若曰此賈誼所
謂善人怵而爲姦邪愿民陷而之刑戮者也安得不寬
之